






浙江圖書館



浙江圖書館





浙江圖書館

生祠老人題辭

浙江圖書館

芷湘老人題辭

不隱青山隱市廛小詩神韻卻清圓睦親坊裏江湖集
比擬澄懷可並傳

浙江圖書館

浙江圖書館



金粟山房吟草

海寧管湘竹巖著

秋夜

庭樹收殘暑高眠北牖涼始知秋已到不覺夜初長月
影當窗白荷風滿院香蟲聲喧四壁唧唧亂詩腸

和許春坪

元慶田園漫興

藹藹濃雲滿綠蕪麥苗經雨喜全蘇阿翁叱犢兒鋤菜
勝畫湖莊春曉圖

曉日遲遲花尚稀籬邊紅杏早侵扉不多幾日清明近

喜見山前蕨筍肥

館



分詠得開軒納涼

是處盤桓意興悠閒軒景色足消愁蕉窗月上涼於水
竹院風來爽似秋古砌苔封三徑靜綠槐烟鎖一林幽
小池荷放香如許揮扇閒眠卻自由

消夏二首

呼名踏浪碧雲鄉拍、將離泛夕陽浴白波心魚夢醒
浮來鏡面水風涼相依鷗鷺眠沙渚驚起鴛鴦散野塘
最愛眼前光景好蓼花未放藕花香 放鴨

笠簷蓑袂坐磯邊楊柳陰中結靜緣波面風來竿影亂
渡頭萍漲釣絲牽蓮歌緩、歸前浦漁唱聲、度隔川

最好浮家烟水裏
閒來擬泛五湖船
釣魚

梅影

橫斜屋角兩三叢
似水門庭一望空
月上疏簾花簇
風飄曲徑影濛濛
寒依瘦竹孤松下
春在殘香淺夢中
底事疑無還若有
看來何處不玲瓏

立春日即景和張湘石均韻

物換星移斗柄回
無邊生意暗中催
雪消遠浦冰初解
字寫宜春帖乍裁
青色漸舒隄畔柳
寒香猶動臘前梅
韶光澄眼添新象
且試黃柑舊綠醅

素心蘭和呂幼心司馬榮元韻

幾莖擢秀伴詩人，護惜情深亦有因。
最喜素姿容訂譜，想同明月結為鄰。
幽窗夢醒香逾澹，古砌風來韻入神。
自是此身甘隱逸，孤芳深谷性情真。

春坪至都有懷而作

詩篇添得錦囊無，一路春江景不孤。
此際扁舟何處泊，計程約畧到姑蘇。

水仙花和湘石

羅襪步珊珊，裁詩記歲寒。
神憐秋水似名作，散仙看點綴。
宜文石幽清擬蕙蘭，春風披翠帶。
淡月淨黃冠，縹緲凌波穩。
氤氳入夢難，不堪湘浦恨。
寄向曲中彈。

春日即事和湘石元韵

獨坐看周易塵心澹似梅
鳥聲穿竹去花氣入簾來
對酒愁憑掃吟詩句自裁
清明時節近柳眼定齊開

牡丹

濃淡天然肯鬪妝芳名洛譜記歐陽
佳人醉後羞同色
蛺蝶酣餘尚戀香
學舞轉憐春意倦
無言偏覺豔情長
興來花下携樽賞肯讓風流白也狂

寄春坪都中

一別經旬久相思
誼倍真書憑鴻雁
達情較弟兄親何
日杯重把今宵夢
又新羨君才似海
莫慮客囊貧

秋日曉起偕卧雲伯至硤石

曉起衝寒紫硤行
籬聲啞々隔溪鳴
半林楓葉添詩料
十里秋光淡客情
蠟屐漫扶霜露滑
銅鉦初挂塔尖明
喜看穰稔收成候
屋角炊烟處々生

和湘石閏九日登高招飲

侵晨有客惠吟箋
又約登高逸興偏
爛醉不妨風落帽
狂歌應得句如仙
黃花知閏開逾晚
佳節重逢喜欲顛
那怕催租人敗興
生涯我本硯為田

題徐晴湖花間補讀圖

金粟萬斛香寒水
一溪綠中有徐孺子
花間勤誦讀圖

吏列左右枕菲平生足豈有未見書
只惜寸陰速秋日
景更佳黃雪飄卷軸披圖我增羨
境幽滌塵俗欲擬畫
中住秋山有飛瀑

雪夜與湘石清談

書

佳景今宵迴異常雪留苔徑月沈廊
一拳鶴影梅欹牖
滿院風聲竹掃牆錦帳豪情輸黨尉
破書滋味傲孫康
耐寒有客同清話大好間吟句共商

殘菊和春坪

浙

幽枝霜落漸闌珊傲骨猶存秀可餐
搔首西風憐晚節
折腰塵世笑微官澹烟壓徑香逾冷
皎月穿籬色耐寒

老圃重邀彭澤醉蕭疏兩鬢惜秋殘

和湘石登硤石觀海峰

徑仄疑無路山奇別有峰
縱眸滄海闊繞足石雲重
挂壁泉飛澗迎風客倚筇
我來塵事醒下界一聲鐘

偕湘石過金壽岩齋看薔薇

才得春來春又老春時行樂真宜早
喜得東鄰花尚繁
招邀勝侶情逾好入門一望花非花
是繪是錦是雲霞
主人愛花兼愛客竹鑪親瀹龍團茶
茶烟一縷楹軒淨
拂、香風吹不定到此翻教羨蝶蜂
花光日、相怡性
分明身入綺羅叢
越女燕姬各鬪容
為語東君須護惜

妬花有雨慳花風

秋夜

秋窗夜永漏遲遲
風緊霜寒悶坐時
砌畔蛩鳴爭叫月
燈前照影獨吟詩
雙丸迅速催人老
萬事蹉跎只自知
到底不須惆悵甚
香醪且盡手中卮

消夏即事次李秋叙善蘭韻

塵氛都謝却容我
占清閒
曉夢回高閣
悠然對遠山
庭花聊更植
徑草不須刪
地僻真成隱
曾無客叩關
清磬一聲遠
翛然意共超
以身原長物
何日托團蕉
樹
密午陰靜心閒
暑氣消
樓遲終絕俗
底用混漁樵

頌畧閒居趣憑誰賦得成看雲消水盡把卷寄淵情荷
沼幽香遠蕉窗靜意生納涼開北牖詩思十分清
卧起驚殘照誰云日似年評棊翻故譜煮茗汲清泉舊
雨閒相訪新詩懶未編蕭疏吾願足不復羨神仙

偕沈竹坪秦秋水菴納涼

何處追涼好追涼古寺前蟬吟千樹月人釣一溪烟極
目水雲淨放懷煩暑捐休文詩思妙得句澹于仙

次湘石竹坪納涼原韻

竹樹蕭疏月色含漁歌聲度小溪南閒鷗對我有深意
良友忘形多快談鬪韻自慚詩懶疊追涼任聽漏傳三

眼前清景殊難得
拂面風來樂最堪

春日偕湘石至沙渚塘舟中即景

扁舟欸乃泛晴溪
楊柳迷離綠未齊
一路春光看不足
天桃紅過小橋西

偕沈湘舟相周登烟雨樓

楊柳磯邊繫小舟
相偕吟侶豁雙眸
參差帆影衝殘照
潏灑波光繞畫樓
佳景須從閒處得
何時重訂客中遊
鴛鴦湖畔幽樓好
蟹舍漁莊向碧流

同人散步秋水菴

茲晨有佳興
蘭若尋幽蹤
同志四五輩
連袂相追從
岸

柳團濃綠梵音逗微風迎門一老僧款客清茗供相對
坐蒲團妙理參無窮鑪香飄縷々桐陰覆重々評碁消
塵慮閒吟澹心胸催歸暮色蒼林際晴霞烘

花朝雅集同湘石春坪作

幽齋雅集趁芳辰知己欣聯笑語頻草色苔痕隨意綠
韶光客思一時新出墻紅杏嬌含雨坐柳黃鸝軟弄春
却喜主人情款洽煮芹燒笋夜留賓

春日即事和周二郊在恩原韻

百五春光過半時韶華逝水懶吟詩花含宿雨嬌如醉
柳怯新寒睡起遲耽憑林泉心久靜坐穿木榻計非癡

柳怯新寒睡起遲
沈沈林泉心久靜
生穿木榻
憑誰笑我無長策
利藪名場莫繫思

立夏前三日邀金秀峰麟士師及湘石至家鳳石

瓊
瑞蘭齋賞牡丹

溪水平隄柳颺綿
幽深門巷綠陰偏
晴雲絢綵香成海
綠塏浮樽醉欲仙
啼鳥聲殘春欲盡
種花人老興猶顛
重來風景憐依舊
題句俄驚已十年

消夏四首

綠水池塘一鏡平
芰荷香送晚風清
田田葉底聞鷓鴣
自有幽情夢不驚
觀蓮

翠色鬱千重
長日濤聲響古松
消受清涼無價買

莫教風雨化成龍聽松

是處何妨號綠天
芭蕉蔽日影娟娟
踰縻試向冰甌滌

掃盡芸窗十萬箋題蕉

館

綠罨空庭秋思縈
碧梧高蔭晚涼生
閒來涼翠呼童刷

水滴苔文鶴夢清洗桐

挽陶心衡

鴻詞

圖

竹屋風亂鳴孤燈
黯無色忽聽鄰笛傳
令我心惻君
病已半載丰采時
相接從此不見君
使我肝腸裂
高堂悲白髮
孤鸞更淒其
雁行偕雛鳳
含淚讀我詩
淚盡繼以血
君死不自悲
生者痛於死
死者知不知

潛、復潛、庭樹痛摧殘樹殘春復綠君去不復還我
有千觴酒難傾泉壤間死生真別離聲氣不相關

墨菊和許心如

色借松烟倍覺幽也隨騷客壓時流冷香未礙緇塵染
瘦影應教淡墨收烏帽插來猶帶雨漆園夢去好尋秋
愛他籬落昏黃月一片吟魂為小留

仲秋招張湘石均家春谷

延熙 金粟山房賞桂

作

浙

今歲夏苦旱好雨仲秋得清飈瑟然來奇芬生几席欣
視小庭桂繁英粲如織細碎耀珠光嬌黃發豔色碧葉

荷翁茂疑是淮南植或從廣寒宮分到階墀側折柬招
良朋開筵聚吟屐墨霜喜盈觴狂吞盡餘漉脫畧忘主
賓派連承今夕高談撫清景不醉良可惜座上張平子
豪氣追太白賞花為長白天香比詩格顧我無辭一笑
聊塞責

小憩塔橋村舍



一水迴環處疏花映竹扉窗虛明遠岫牆古挂藤衣野
老扶筇話村童跨犢歸幽情吟未足屋角暝烟霏

己酉人日與張菊如

中潛

訂穀雨日至石涇玉輝

堂沈宅賞牡丹清明前六日重至石涇寄詩代

東

人日相逢即相別
殷勤預訂賞花期
此時準擬携孤棹
共對春風醉賦詩

穀雨花開趁及時
賭觴鎮日醉何辭
名花似解詩人意
試看纍纍蕊滿枝

春日至石澗
篷窗風雨遣悶作

一簫^簫新水櫓聲柔
不信東風冷做裘
來往雨絲風片裏
雪沈鴻爪幾曾留

殘梅飄雪點輕槎
孤坐篷窗詩思賒
却羨溪鄰舟漁父
樂一蓑一笠穩生涯

歸鴉棲樹影參差江樹含烟欲暮時
幾陣跳珠篷背急
客中應是雨催詩

接菊如來書穀雨賞花之約不果寄詩相催

日炙雲烘蕊莫支花情火速要新詩
若過穀雨開尊賞
深恐名花笑我遲

殷勤載酒賞花枝五日為期五日遲
託得堯夫詩句好
好花看趁半開時

寒食前一日偕秋紐湘石小憇秋水菴

行吟何處好老樹夕陽村柳眼青迎客
菜花黃到門境
閒塵慮息竹窠鳥聲喧茗話不覺暮烟蘿一徑昏

清明即事

江村路僻寂無譁
上冢歸來日未斜
紅杏雨添新漲水
綠楊烟霽野人家
乍晴乍暖吟懷好
半醉半醒客思賒
九十春光過已半
蹉跎愧我感韶華

春日即事

午睡初消客思清
相逢佳節一闌情
看花時節晴難得
逝水光陰感易生
暖浪半江爭放鴨
綠楊十里聽啼鶯
典衣沽得鄰家酒
薄醉醒來白忽成

秋日許英坪增宋醒山英過訪遂同湘石賞桂以

桂花香動萬山秋
分韻得秋字

金粟紛披點綴幽開筵共賞一庭秋
談深燭甚何妨翦
夜盡尊罍未許休良會轉憐經歲隔
兩窗深喜故人留
重陽若得逢晴霽
載酒聯吟紫硤遊

重陽前二日和張墨林姻丈

北茶

重榻聽雨軒感

懷韻

點綴東籬菊又黃
若來佳節近重陽
題詩偶託鴻留印
話舊重憐客對牀
月影淡依人影瘦
蟲聲淒雜漏聲長
良宵清景真堪畫
我欲携衾句共商

庚戌人日至石涇玉輝堂沈湘舟

相周

良千鑑古

少谷

傅朝留飲即席有作

積雨新晴淑氣融
欣逢佳節一尊同
飲逢知己拚先醉
詩到言情莫問工
入戶月光增皎潔
當窗梅影更玲瓏
主人愛客教投轄
翦燭深宵話未窮

題朱梅江福椿江郭探梅圖

扁舟一棹破寒烟
江郭閒探福袂仙
滿塢冷香拍襟袖
讓君清味此時偏

探梅人愛似梅清
修到寒芳合幾生
梅亦有心相印可
未須索笑已含情

次湘石暮春村店小飲原韻

輕絲暖擬卸春袍
楊柳依依綠漸饒
鶻鴂聲中春欲盡

醪醑花外雨初消，不知髻影方侵雪。轉惜韶光去似潮，
村酒同傾拚酩酊。新愁莫遣舊愁撩。

張烈女詩

館

張氏女朱氏子訂姻盟，誓生死夫病歸中途亡。聞訃音
神暗傷，上日月下冰雪。妾之心共光潔，孝與節不兩全。
天既失生，可捐昔曹娥殉生父，妾殉夫亦堪伍。機聲停
母乃疑女不見，淚垂垂至翌日尸乃得。鄰里驚共歎，息
張氏女轉塘里水湯，清澈底吁嗟乎張氏之女永流
芳。詩成烈烈凌冰霜。

秋日至新市就醫，逢窗岑寂口占。

舟行荻港晚風微
漁網參差挂夕暉
點綴水鄉詩境好
一雙白鳥破烟飛

記曾前度多風雨
今日重來喜放晴
忽聽潮聲來枕畔
前溪蟹斲有舟行

歸程帆挂月華明
小市遙傳鼓二更
吳道篷窗無伴侶
篙工閒話有餘情

秋來一月竟無詩
病減情懷只自知
高枕孤舟人寂靜
數聲絡緯助吟思

春分日招金松溪張湘石小飲

關心又是杏花時
招得吟朋倒玉卮
九十韶光過已半

百千觴酒醉何辭
鳥因新霽聲猶澀
柳帶輕烟睡起遲
最好客臨今
舊雨疏狂任笑虎頭癡

積雨遣悶

館

春雨連朝靜掩扉
梁間新燕話依依
家無長物難賒酒
囊有新詩莫療饑
萬斛閒愁雲共疊
一庭芳艸客來稀
桃花溪水添三尺
報道前灘沒釣磯

村巷泥深掩竹扉
山中猿鶴自相依
詩能醫俗惟求淡
熱不因人寧耐饑
花事闌珊遊興減
酒杯落寞故交稀
菰蘆抽筍魚方美
蓑笠垂綸坐釣磯

清明日喜晴

新霽逢佳節，晴光映碧紗。
綠肥三徑草，紅綻一牆花。
漾柳波光活，迎風麥浪斜。
鄰翁春社散，扶醉話桑麻。
曉日挂銅鉦，歡聲鵲報晴。
燕巢勤補綴，蛛網費經營。
紙賜誰家塚，風吹何處箏。
酒帘茅店外，招我似多情。

中秋前三日賞桂同湘石作

雅喜朋簪盞，花前引百觴。
一枝誇獨秀，萬點映斜陽。
客賦小山隱，風飄黃雪香。
儘教拚酌，願領畧好秋光。

歲暮病中感懷

浙

偶染微疴，歲欲闌休。
文腰瘦帶圍寬，求醫始覺良醫少。
抱病方知養病難，深荷親朋相問訊，頻傾湯藥當加餐。

擁衾笑向山妻問窗外梅花可耐寒

除夕枕上有感

借他卧榻息塵機臘盡春來百事違生計十年仍故我
韶華百半漸知非竹鑪烟裏兒烹藥酒債人催婢典衣
爆竹聲中年又去一天雨雪正霏

紅梅二絕和湘石

畧施脂粉十分妍玉潤紅酣意欲仙可是阿環微中酒
嬌痴索笑畫簷前

應是師雄夢裏人羅浮仙子別生春水邊籬落橫斜處
錯認桃源欲問津

春日偶成次張湘石陳韻璜份唱和韻

樓遲茅屋自年，剝啄無人思悄然。多病懶除三徑草，
孤眠寒戀一牀氈。底須木榻耽高隱，博得頭銜是散仙。
堪笑紛紛名利客，求魚枉知吾木徒緣。

春分後二日湘石招貴紅梅即席有作

昨宵急雨響層檐，今日晴光映畫簾。昨雨今晴詩有料，
枝頭春色十分添。

節過春分花正時，今年花較去年遲。遲開花亦非無意，
博得推敲數首詩。

宵長忘却漏聲頻，拇戰何辭百罰深。獨我對花杯自引，

疑霞疑錦費沈吟

乍識元龍意便傾

謂韻

閒談風月倍關情
名花更有殷

勤意笑靨歡隨酒暈生

館

泛舟至花果樓看桃花

扁舟款乃泛晴川
鷗鳥忘機導我前
一片笙簧風外度

曉鶯啼破綠楊烟

千林紅錦小橋西
茅屋誰家傍綠堤
雞犬聲中人語寂

桃源不在武陵溪

舞蝶遊蜂情更痴
尋芳先我傍花枝
笑余興亦顛狂甚

喜看紛飛逐隊時

徐熙沒骨法無猜畫稿憑誰費翦裁我獨歸家勞夢想
卜居擬向碧溪隈

綠萼梅

描來眉黛淡含神碧玉新妝倍有情影借松枝同鶴瘦
色分苔徑入簾清青垂定博嗣宗盼寒耐應邀處士盟
金谷當年誇絕豔謫來籬落劇憐卿

夏夜石涇歸舟

扁舟程十里坐久動吟情新月林梢挂小橋柳岸橫窗
開風有韻棹緩水無聲翻恨歸途速天空夜氣清

舟行即景

今冬苦少雨河水日以淺水程四五里殊覺舟行蹇天
寒日色暮村路行人鮮北風號空林寒鴉歸點

題金耐人傷梅溪鋤月圖

梅花如雪月如銀鴉嘴鋤携野水濱自是先生清興好
渾忘風露逼吟身

自占梅溪第一灣却教老鶴守柴關羅浮仙夢知何處
應在寒香淺水間

送春

閒到將離花事了留春無計送春忙春來春去渾閒事
詩髻無端點雪霜

梅子青，桑柘濃。子規啼徹，雨聲中。若非柳色千條碧，
春跡難尋一綫蹤。

白蓮

洗盡鉛華祇淺妝。凌波仙子洵殊常。池邊月冷渾無迹，
水面風微覺有香。性淡恰宜鷗鷺狎，格高可許蝶蜂狂。
丰神試問誰相似，未肯甘心擬六郎。

秋燕

回首江南客思深。稻花香裏動歸心。烏衣巷口西風冷，
金谷園林夕照沈。飛逸似難辭故里，呢喃終是戀鄉音。
離愁翦破憑雙尾，海遠天長恨莫禁。

秋夜散步

鵲繞空林月色賒扶筇間過野人家蕭疏柳影憐吟髻
隱約秋心冷釣槎竹迳蟲吟聲細碎蓮池魚戲葉欹斜
謀生計拙情先慰一路香迎早穠花

和韻篁秋夕偶成原韻

寂坐生幽趣鑪香細逗檐桐陰涼鶴夢秋意逼湘簾境
靜塵難染心閒俗可斲良宵快新霽對景韻初拈

疊前韻

庭桂何年植連礎勢壓檐月涵金粟影香逗水晶簾小
病惟詩遣悶愁賴酒斲秋宵清不寐倚枕舊書拈

庭前白蓮中秋始放一花即成四絕

憐爾嬌姿獨自持六郎風貌久神馳原知太潔從人忘
故向秋風開更遲

秋風已近逗芬芳玉立亭亭翠蓋張莫道花香無幾日
花身久已閱炎涼

水晶簾外影團圓出水丰神絕點埃莫向秋風怨遲暮
從來名種合遲開

一身清白問誰同不染淤泥出水中似厭煩囂塵易惹
獨留冰雪向秋風

得湘石見和又成四絕

花情亦似感栽培
開向中秋更耐看
水上花光花上月
團欒相印比清寒

入簾花影淡無痕
獨向西風意不禁
莫道秋來開太晚
未開早有出塵心

小庭金粟共芬芳
誰道濃香勝淡香
我愛秋光濃間淡
更呼明月醉飛觴

綽約臨風似不支
冷窗相對賦新詩
詩情那似花情淡
欲寫幽芳轉費思

偕良千登鎮海塔觀潮

海天寂、涵晴碧
凌波一塔撐空立
相携舊侶躡屐登

縱目海門潮未入長空浩、珠璣濺日盪波心銀海眩
琉璃世界湧晴瀾淋漓水氣侵人面我昔觀潮年尚壯
十年不到興猶旺至此真教眼界開恍疑身在青天上
潮頭隱現白一線俄頃長空萬匹練空濛百里烟霧昏
龕赭兩山各不見靈胥白馬空中驚陽侯破礮馬銜怒
金戈鐵甲聲喧逐雷轉電掣魂驚怖須臾潮退回清風
依然一片磨清銅演漾空明孤鳥沒賈舶一一洪濤中
吁嗟予我身未能足歷五岳更九州遨遊海上同浮鷗
潮生潮落空朝暮淘盡英雄萬古愁

舟中即景和湘石作

一棹灤洞向晚行暮霞遙襯夕陽明蘆花兩岫搖晴雪
飄落篷窗數點輕

籬角叢、野菊黃兩三日飽是重陽青桑未老丹楓嫩
斟酌西風一夜霜

幾株衰柳暮鴉棲野色空濛路欲迷最好間鷗如舊識
依、導我向前溪

漢、溪烟織柳條蕭、黃葉響林梢擬招紅友添吟興
惜不扁舟載酒瓢

重陽日登文昌閣小酌

約伴登高續舊遊憑闌曠望豁吟眸一泓碧水蒹葭晚

萬頃黃雲統穉秋醉裏不知風落帽狂來未覺酒添籌
劇憐佳節晴光好拍點松陰夕照留

小重陽月夜與湘石韻篁清談有作

到眼清光好庭空月色鋪一繩銀漢迥千里桂輪孤籬
菊香逾淡汀蘆影欲逋冷蛩鳴砌畔寒雁叫雲衢佳茗
間相品新醪夜待沽本無田負郭不怕吏催租韻才
爭捷高談興自娛宵深風露下歸路冷吟鬚

九月十六夜下榻石澗沈氏河樓

良宵扶醉上河樓水月溶溶一鏡秋孤枕夢回剛夜半
寥天寒雁數聲愁

乙卯人日至石涇晤菊如同宿桐蔭書屋

別久重逢興欲顛
賞花鬪酒已三年
各憐短鬢霜新染
深喜春宵榻共聯
窗外寒梅爭雪白
尊前明月向人圓
挑燈話舊渾忘寐
明日分襟悵各天

重陽前六日湘石招食蟹莢坪有詩依韵和之

紫蟹紅菱點綴秋
故人欲去為重留
座中放論空千古
醉後狂吟遜一籌
脫畧不妨長夜飲
消除已盡十分愁
重陽更有持螯約
一笑陶然興未休

春初連朝雨雪小庭梅花盛開即成二絕

寒梅滿樹綴繁葩
春到閒庭十日賒
高潔漫愁風雨妬

劇憐疏影自橫斜

槎枒鐵幹自生成
不怕更番雨雪侵
著屐問誰來
話舊
小窗賴尔伴閒吟

春雨

書

早傳芳訊到南枝
零落莓苔夜雨時
草綠閒庭愁共長
泥深隔巷客來遲
鶯初調古聲猶澀
柳未舒眉恨已知
江上新添三尺水
平堤波影綠差差

逝水韶華絕可憐
連朝風雨杏花天
雲深三徑迷新燕
香逗重簾溼篆烟
蠟屐懶尋沽酒旆
春江閒泊釣魚船
清明已近寒猶甚
一領羊裘暖勝絛

誰料春來樂事賒幽齋間望啟窗紗遊魚戲水頻穿藻
啼鳥多情為惜花繞砌更憐芳蘚碧迎風虛望紙鳶斜
碧翁何日開新霽一棹扁舟泛水涯

韶光九十恐非真辜負芳菲一丰春乍喜檐端聞鶻噪
未看屋角網蛛綸橫斜竹樹如狂士消瘦花枝若病身
積雨新晴、更好尋詩綺陌絕纖塵

初夏舟行即景

江

一棹江邨路新蟬兩岸鳴綠陰千樹合新水小橋平不
覺歸程速欲看薄暮晴薰風時拂袂涼透葛衣輕

李家灣納涼

舊雨招尋一放舟
追涼為愛小溪幽
林端月上明於鏡
竹徑風來爽似秋
流水遠連天宇淨
孤村圓抱綠陰稠
此間自有清涼散
何必奇方海外求

舟中即景

鱖頭船小疾於梭
十里秋光畫景摹
兩岸蘆花明夕照
白頭搖曳醉顏醜

萍江舟次

殘蘆衰草夕陽中
廿里萍江一棹通
酒為禦寒常獨酌
詩因遣興不求工
水邊漁父魚健岸
上人家打稻同
風雪連番逼殘臘
一年光景太匆匆

和陸泐山先生齊壽最樂山莊十景

霽色澄清露遠巖一枝瘦影浸晴瀾溪光軟碧明於鏡

鬢歸鷓湖月下看

晴嵐塔影

柔櫓呀啞水調新夜深月色逼窗櫺吳娘唱徹吳兒續

最好移情枕上聽

夜棹歌聲

一灣流水岸西東蘆荻灘邊泊釣篷時有行人來喚渡

聲互答夕陽中

前溪喚渡

逶迤小徑傍疏籬幾日西風木葉飛薄暮樵歌聽隔岸

夕陽影裏負薪歸

越岸歸樵

質簫千箇碧雲稠滌盡炎歊夏若秋烟裊竹鑪茶正熟

清風高拂白雲留
深竹迎涼

繞堤一帶盡瓊枝
雪後園林景最奇
自有一番詩境界

不須更借蹇驢騎
長林積雪

濛濛空翠落檐前
古樹槎枒已百年
最好山莊春早起

幽禽啼破一林烟
烟樹鳴禽

望裏茅檐夕照明
漁村風景愛幽清
西風吹徹蘋花白

衰柳絲絲畫不成
漁村返照

指點菱塘景最幽
一繩劃破水天秋
相呼呷晴波戲

不是鴛鴦亦並頭
菱塘放鴨

沿水溶溶澈底清
芙蓉繞岸映波明
誤他唼影遊魚上

顧我忘機靜不驚
荅沼觀魚

秋月

露冷中庭夜氣清
浮雲洗盡兔華生
不知仙桂何年植
却愛銀蟾萬里明
影落空山涼鶴夢
光寒三徑咽蛩聲
誰家笛韻掩秋思
旅客天涯無限情

喜晴

夜雨春江長綠波
老農期望未蹉跎
麥苗頓覺十分秀
柳眼已開一半多
大抵人情聊慰藉
不知米價近如何
瓦壺沽得鄰家酒
驅却新愁發浩歌

送漁舫姪玉麟至海門

忽々相送上行舟願尔無忘負米遊臨別殷勤無別語
一堂聚首訂新秋

衡門棲息願難償五百江程客路長楊柳不知離別恨
隨風兀自送迎忙

聚時憐少別憐多轉瞬光陰十載過迢遞關山勞夢想

平安書寄莫踈阮

憐余兩鬢漸抽絲株守年江懶自知莫畏當途荆棘礙
立身須趁少年時

夏日偕友人秋水庵納涼次壁間韻

蕭然古寺遠塵氛借得蒲團正夕曛碧蘚細粘雙屐雨

綠陰圓抱一溪雲僧供盃盃評碁局香逗鑪烟裊篆文
高卧北窗吾意適笑他襪襪日紛々

偕問渠姪鴻儒再至秋水蒼疊前韻

精藍境僻絕炎氛寧地湘簾遠夕曛釣艇人歸魚換酒
松林日暮鶴棲雲閣高窗納遙峰影屋漏痕遺舊篆文
最好一番詩境界塵心何事繫繁紛

並蒂蘭和湘石

汪

獨憐高格異尋常移得名花傍石林月繪珠簾相弄影
風來畫閣不分行佳人難再偏聯袂國士無雙却並芳
自我締交時已久清芬靜對味偏長

冬至病卧枕上口占

繡閣添線晷影長寒梅待訪南山岡欲雪未雪老天釀
西風北風一夜狂眼前世事那預料尊中臘酒醉不妨
轉憐病卧冬至節自覺身閒心不忙

春雪

寒窗漠漠凍雲遮不料春來冷更加一夜長空飛玉屑
萬山無樹不瓊花問誰著屐來吟客笑我無節過酒家
擁篲呼童勤掃取閒來準擬煮新茶

乍晴復雪勢逾加壓折寒梅竹外斜放艇前溪慵訪友
騎驢有客為尋花閉門穩卧憐袁子錦帳豪情笑黨家

寸鐵不持經白戰詩成愧我字塗鴉

消夏雜詠

烈日當空午不知一庭桐蔭綠參差菊苗百本殷勤灌
預待秋光九日期

疏簾高捲晚風涼豆架瓜棚蔽夕陽彈罷松風琴一曲
月明如水浸迴廊

汲泉煮茗有樵青客至圍碁細評最好晚風來北牖
隔牆吹過讀書聲

跣足科頭意自慵任他襪襪日匆匆笑余不識頭銜貴
願著滄溪一釣翁

和湘石七月十三夜喜雨之作

琅玕急雨潑簾櫳
喜得珍珠萬斛同
已見禾田千頃綠
更聞荻港小舟通
黎民慰滿雲霓望
大地終資造化功
深願妖氛皆洗盡
歡聲遍野樂年豐

重陽喜晴

重陽難得是晴明
霽色初開爽氣橫
顧我影自憐雙鬢改
對花何惜百杯傾
恨無綠筆題鏤字
并少層巒遣俗情
為有故人相話久
夜深同賞月華清

秋夜有感

醒來殘夢四更時
觸緒縈迴有所思
五十年華吟鬢改

半生心事短擎知米珠薪桂愁難遣歲儉家貧力不支
窗外鳴蛩聲不絕憐余寂寞助裁詩

有懷菊如

館

石涇相晤久去歲早梅時作客曾聯榻銜杯共論詩兩
年驚易過廿里倍相思轉惜新正棹參差恨我遲

新正至石

涇玉輝堂沈氏賀歲
君先一日至未晤

圖

泛舟至張店同湘石作

風景遷移指顧間沿溪一棹溯鸞環蕭疏衰柳詩人鬢
紅豔霜楓醉客顏寒水一泓澄似練暮雲千里遠疑山
悠然相對蓬窗下點筆聯吟共往還

白蓮

冰霜作骨玉為裳獨立亭中水一方
簾薄於烟微有影
日明如水澹聞香格高自覺塵難染
性靜偏憐韻更長
不与世間凡卉伍只嫌蜂蝶太輕狂

湘石招同人雅集秋水菴即席有作

同人來集遠公社霽氣新開射夕陽
座有吟仙談亦韻
飲逢知己興彌長
鐘烟透碧香逾妙
燭影搖紅風送涼
却愛庭前秋色豔
陶然相對盡餘觴

郭溪道中

胭脂誰潑蓼花叢
近汀遙汀豔
同柳色疏分鷗影外

秋心涼到雁聲中
秋葉未改連村綠
烏桕先看一葉紅
早晚陰晴真莫測
歸途正遇雨兼風

疊前韻

館

沿溪野菊綴叢叢
小朵黃花一色同
新月影涵波影裏
晚潮聲雜橹聲中
含烟蘆曳千頭白
嬉水鵝翻兩掌紅
廿里江程歸棹緩
不須強借片帆風

中秋奉陪許魯卿

以梧

夜飲再疊郭溪道中韻

幽香吹到桂花叢
樹老婆婆景不同
乍見雲陰遮屋角
旋欣月彩漾庭中
傾酒竹葉杯浮白
燭射湘簾影碎紅
座有吟朋談笑劇
庾樓清賞繼高風

十六日招友人雅集三疊前韵

刪除堦畔草叢，招得吟朋尊酒同。
細碎蛩吟三徑裏，婆娑樹蔭一庭中。
燭光滿座花爭豔，菱角堆盤色更紅。
今夜陰晴渾未定，月光雲影亂西風。

秋雨不止有戲

愁看連日雨絲，怪底東風作意吹。
正是木絲成實候，况經香福放花時。
人逢儉歲多憂慮，天若婆心合轉移。
可否明朝開霽色，揮毫擬賦喜晴詩。

喜晴

忽聽簷鵲有歡聲，起望天公已放晴。
踏浪飛鳧嬉水軟，

尋花瘦蝶愛風輕
田間玉粒垂
結屋角炊烟處
生一幅幽風圖
可繪老農秋社酒頻傾

和湘石至張店

館

為趁秋晴泛野航
遙汀風遞白蘋香
江添碧水新磨鏡
蓮脫紅衣晚卸妝
幾處聞歌菱正熟
孤邨賣酒價初昂
農家處處斜陽裏
喜看田塍穠極黃

采菱曲

鏡花落粉秋夜長
菱塘瑟瑟秋風涼
采菱女兒年十五
采得菱時辛与苦
河波渺渺碧千尋
又恐菱塘深復深
菱角刺儂心
菱根繫郎心
菱角刺手儂血鮮
菱根繫心

郎情牽菱根如絲日纏繞菱角如鞋儂足小年來日對
菱花照照見儂顏不成笑郎道儂顏豔似花儂顏那得
長年少郎采船中青菱多儂采缸內紅菱少原知風味
一般同更愛青紅顏色好儂與郎情兩相愛但願與郎
長相對采菱莫驚雙鴛鴦鴛鴦同棲還同隊郎今采罷
已歸去煙雨迷離不知處記得蘆芽共菱發種無端一夜
飛成絮

除夕

浙

徒增馬齒劇堪憐歲事匆々又一年鄰里連宵喧爆竹
兒童壓歲索青錢債雖可避臺何處券若能償意亦仙

柑酒頻斟深夜醉憑他室笑螿同懸

至越途中有病口占

因受風寒重而教飲食捐藥從村店贖地向越山遷潮
聽海門響帆看渡口懸時清如可俟何郵病魔纏

訪蔡管孫於清福菴

名淳後改名元培。清福菴
在上虞馮浦

蘭若炎蒸絕從教樂往還千竿三徑竹四面萬重山風
送鑪烟逗雲深鐘磬間此間無俗韻世味淡塵寰

附管孫和作二首

一自剡溪住知音少往還幸君來避地俾我借他山
風鶴頻聞警木麻任賦閒不知烽火事何日淨塵寰

同作逋逃客何時得共還學仙兼學佛鄰水復鄰山
只為家鄉遠翻教手足閒恨君相見晚氣誼絕塵寰

疊前韻贈管孫

館

過江已兩月避地幾時還有酒狂呼月無錢欲買山可菴
憑脩竹裏佛共白雲間欲借此間住更教遠市寰

贈管孫

潁水相逢亦有緣他鄉情話更依然得逢隱士兼名士
况是詩仙与酒仙竹徑閒看山入畫茅菴靜坐日如年
不知何日烽烟靖高路歸家一棹旋

過清福菴管孫留飲作賦贈

晚來乘興到招提，忽荷良朋斗酒攜。
話久渾忘身是客，杯深亦恐醉如泥。
艱難世事人逾老，唱和詩情格欲低。
飲罷閒看風物好，新秧千頃綠初齊。

納涼

追涼是處足，句留為愛庭空景色幽。
月上松林涼鶴夢，燈明沙浦集漁舟。
早知節序秋將至，何事炎威暑未收。
忽訝深山宵柝起，蝦蟆閣下代更籌。

篋孫約遊東山

謝公高
臥處

因病不果作，此贈之。

避寇越中來，倏忽已三月。深山寡朋儔，日坐真愁絕。
同郡得蔡君，相逢情逾密。共訂忘形交，氣誼同金石。
隱居

茅菴中高致無與匹門無俗客來案有圖書設時值酷
暑蒸跣足或散髮脫略忘形骸虛名辭枳枳路只隔半
山詩筒無虛日有時烹佳茗清談坐書室有時酌新釀
不計穀與核有時讀詩書析疑共翻閱有時同登臨探
奇尋碑碣約我東山遊抱病不能出靈負清興佳寸心
殊鬱々何當續勝遊屈指重陽節以時楓葉丹夕陽射
明滅青林雜紅樹蜀錦何處裂山上高共登籬下菊堪
折紫蟹兼黃柑有酒清且冽相期百斛傾詩成可擊鉢
願為我少留時哉不可失我亦鼓游興定應瘳厥疾妨
力相追隨看山同拄笏扶危携柳栗

春莫小飲次曹右庭錦堂原韻

記曾邂逅話鷺桑今日相逢又夕陽
棟子花開三月暮
鶯兒酒泛一樽黃
詩當澹處情逾好
交到深時形自忘
欲遣愁懷拚酌酌
眼前世事漫評量

自憐壯志已消磨
又送春歸喚奈何
身世共嗟虛若夢
人情浪說薄於羅
著書聊復消愁緒
擊筑還須發浩歌
負米他鄉情最切
遠思游子隔關河

今郎慎甫
作客中江

中秋對月感懷

去年遊地客江南
明月中秋兩地看
今夕團圓光正滿
可憐人竟不團圓

時仲氏移居蕭山新田

賓朋此夕往來多
深夜聯吟雜笑歌
一自妖氛頻肆虐
萬家豪興盡消磨

秋日書懷

館

眼前光景異前年
幸負中秋八月天
客至漫嫌尊乏酒
家貧生恐竈無烟
鬢疏不覺仍堆雪
衣薄應憐未有絲
編地哀鴻頻嘆息
生逢斯世恨難捐

鵲鴿痛切淚頻流

仲弟霽香於
四月中病故

世事滄桑感不休
未價

難平民尚困塵氛
欲掃孰能等得閒
思睡非因懶未老
先衰易覺秋鎮日
憂愁何可遣
江邊我愧一沙鷗

散步秋水菴

西風吹袂步遲遲、鐘響茅菴欲暮時
莫笑蘆花頭盡白
年來我亦鬢成詩絲

秋夜病中有感

館

秋意到庭前無眠夜似年不堪愁裏過
何況病相連親友驚凋謝滄桑感變遷
幾回頻憶舊淚落枕函邊

重陽有感並柬湘石

圖

酒龍詩虎鬪當年爛醉狂吟九月天
朱許徐湯凋謝盡

可憐惟賸兩詩顛

庚子重九朱芑塘相約許春坪徐秋澗柳湖雅集忽二十餘年矣

去年客裏遇知音

謂蔡篔簹孫時同避居上虞

九日登高酒一樽送我

歸帆江上別直無消息到如今

濮川道中

十景塘邊百感生，征途蕭索倍傷情。
只因道路多荆棘，願雜漁樵隱姓名。
三日雨添溪水滿，半帆風送客舟輕。
榜人知我愁難釋，沽得村醪醉共傾。

端陽後二日病枕岑寂有感

斯世相逢亦偶然，儒教萬事付雲烟。
鬢毛堆雪齒牙落，明裏增年暗減年。

盆池荷葉疊青錢，灼灼榴花對眼鮮。
風物不殊人事異，可憐度日日如年。

病榻愁聞豹脚聲，靜中擾擾夢魂驚。
欲驅汝輩無踪跡，

待到秋來曠野清

衰顏老景日侵尋
貧病相連痛更深
枕上無眠誰作伴
綠陰靜聽一鳴禽

贈張棣園政敏

久欽三影構思清
把臂深談識性情
豈必買山方是隱
儘教嗜酒不求名
曲高自昔知音寡
語妙真憐信口成
一棹剡溪思過訪
騷壇可許訂鷗盟

清談一曲德垂綸
深羨幽居遠俗塵
漫說桑田變滄海
且將詩酒樂閒身
交情似水原同契
博物如君有幾人
半讀半明心慕久
誅茅何日結芳鄰

棣園見示與陳二南寶恩唱和之作次韻奉答

顧我蕭然感索居荷君幾度過衡廬談詩好借樽中酒
汲古同觀架上書拓拓漫嫌知己少率真更喜締交初
季鷹我亦忘形友

石謂湘舊雨新知樂有餘

桃源何處好藏形虎穴身居夢未醒百里烽烟心惴惴
經年衰老鬢星星謝安節久臨江左鄭俠圖誰達帝廷
此際消愁惟痛飲相期日醉芳

酒

贈二南

浙

湖海襟期世所推忘形交訂樂徘徊移家深感滄桑變
高卧渾忘歲月催時後久懷醫國術人間誰識濟時才

眼前大有蒼生嘆安石東山志豈灰

立冬前一日偕芷湘叔陳二南過棣園村居留飲

賦贈

館

吟朋共訪張平子溪徑逶迤步屨遲黃葉打頭秋已老
西風有信鬢先知到門愛客忙沽酒入座持螯快論詩
真覺麴生風味美庭前忘却夕陽移

底是難消傀儡胸澆愁招我一尊同霜催菊綻羞宜酒
葉脫林疏欲戰風雞犬人家村落裏竹籬茅舍畫圖中
劇憐湘此別會多甚好鳥催歸興未終

湘石養疴秋水菴招同人小集和題壁韻

湘石養新秋水菴招同人小集和題壁音

僧寮借榻下書帷靜養微疴趣自知家累已忘應事佛

俗情能寓定工詩半窗日落敲棋候一炷香殘得句時

咳唾隨風生珠玉欲裁和草愧遲

憶昔同人到此遊今來鴻爪迹還留昔年曾借金秀峰師於此間作詩酒

之會秀峰師詩尚存閣上松如隨意招吟嘯鳥亦多情解勸酬堪嘆

升沈渾一夢却憐聚散等輕沓新知舊好依然集莫怨

頻教大白浮

二南招同人雅集棊園下榻余齋賦贈

扶醉歸來月上時聯牀難得是相知祇憂世事難安枕

欲遣愁懷且論詩殘臘光陰飛石火新春消息逗梅枝

宵寒更覺衾綯薄
卷杯敲殘入夢遲

棣園卧病日餘寄詩奉候

欲訊維摩疾泥深阻道途
應弗藥喜還問有詩無雪凍
梅逾瘦天晴考漸蘇
何時來過我沽酒聽提壺

輓棣園四律

高山流水少知音
与我論文愜素心
曾共銜盃當歲暮
何堪聞訃及春深
庭前玉樹迎風立
壁上遺詩灑淚吟
重過黃壚腸欲斷
杜鵑啼處柳成陰

欲相問疾屢遷延
悔我來疾恨莫捐
尚待重過同選韻
那知一病遽歸仙
遺書賸稿留吟篋
雨笠烟蓑冷釣船

猶憶雲箋朝夕遞追思往事涕潸然

向平心事未能酬五岳猶虛作壯遊竹外桃花紅墮淚
溪邊楊柳綠含愁承先孝友家聲繼裕得詩書世澤留
跨鶴每、天上去不知何日返林邱

劫後餘生便是仙李鷹何處返重泉撐腸羨有書千卷
閉戶常吟詩百篇小耕惟知耕與讀半生謹守硯為田
貽謀燕翼無他計積善應教啟後賢

小重陽邀潘一樵

有林

表弟張湘石陳二南都芝

仙小集

閒筵為賞小重陽蓋雨相借共舉觴滿飲一杯酬好節自

自憐兩鬢已如霜
紅羊劫後情逾淡
黃菊花前興欲狂
可有白衣來送酒
不妨小隱邀^傲柴桑

疊前韵答湘石二南館

酣飲高談到夕陽
何須投轄怕逃觴
性情^恬澹應殊俗
骨格^清能竒足傲霜
酒到深杯惟有醉
詩能放膽不嫌狂
笑余愛種東籬^菊
不羨成都八百桑

采菊

籬畔金英色正佳
携囊采趁夕陽斜
幽芳欲染詩人袖
逸致宜尋高士家
折供軍持香愛澹
插來霜鬢興偏賒
悠然獨自南山對
明豔丹楓映落霞

輓湘石二首

與君總角交，忽卅載。久花晨，與日夕。聯吟兼鬪酒，我
飲僅數升。君飲逾數斗，雲箋朝夕遞。疑義荷君剖，沈酣
經史中。一卷不釋手，同社唱酬人。相推為益友，何期情
事遷。晨星去八九，辛酉避寇氛。各向越山走，煩憂何以
解。推敲不去口，所作越中吟。佳句盈寸厚。

越中過重陽，愁對黃花酌。此時遠憶君，詩緣寄懷作。難
結山水緣，恐致久飄泊。故舊欣團聚，清樽互醅酢。前年
兵燹消，意乃倍欣躍。刻後餘生存，鮮有不云樂。一病忽
纏身，空投湯與藥。遽失我良朋，天乎太酷虐。輓聯君自

撰胸襟何灑落我為發哀吟不堪嘆離索

寄懷蔡篔孫

何時歸棹武林城屈指韶光四載更欲魚寄函何處達暮

雲春樹倍關情

猶憶同傾酒一杯登山臨水共徘徊而今擬放西湖棹
相見憐余兩鬢摧

喜山陰張韵香桂臣見過

得逢三影六前緣正是橙黃橘綠天共話却忘寒夜靜
相親恨不十年前隱居渾似陶弘景豪飲無慚李謫仙
從此金蘭新訂譜衰顏愧我鬢毛顛

送韻香歸山陰

一尊團聚託初冬，判袂河干話別哀。
此去行程涉滄海，莫教雨雪打孤篷。
羨君學富吟囊足，愧我家貧酒盞空。
南望暮雲勞夢想，隔江能否寄詩筒。

立春前二日冒雪納糧至海寧納糧舟中遣悶

鎮日西風冷傲裘，雪花萬點撲孤舟。
江邊老柳回春意，窗外青松盡白頭。
新釀三杯聊遣興，殘書一卷足消愁。
前途知是萍江近，隱約燈明水上樓。

庭前梅花盛放偶成

開向風前占早春，冰肌玉骨絕纖塵。
羞隨桃李公門立

松竹孤高合結鄰

幽香冉冉撲書帷
想與吟魂結舊知
二十年前曾手植
伴余吟到鬢如絲

館

丙寅夏日雨窗遣悶

已是黃梅節序過
翻教風雨撼庭柯
不關世事耽愁少
遠念吟朋入夢多
詩酒一生真放浪
利名兩字任蹉跎
蕭齋無計消長晝
一局圍棋醒睡魔


水鷗泛泛自相羣
新漲汪洋已十分
敗壁蝸涎成古篆

高檐蛛網待斜曛
兒頑不識齋鹽累
妻老全憑婢僕勤

還乞碧翁開霽色
莫教淫雨落紛紛




還乞碧石公相開示齊色意不教淫雨落紛



浙江圖書館





浙江圖書館

本
日



浙江圖書館

浙江圖書館善本

乙 登記號：015322

一九 年 月 日



浙江圖書館


Blue Cyan Green Yellow Red Magenta White 3/Color Black

TIFFEN Color Control Patches

© The Tiffen Company, 2007

Centimetres


1 2 3 4 5 6 7 8 9 10 11 12 13 14 15 16 17 18 19
1 2 3 4 5 6 7 8 9 10 11 12 13 14 15 16 17 18 19
Inches



浙江圖書館



浙江圖書館



Centimetres **TIFFEN** Color Control Patches © The Tiffen Company, 2007

Blue Cyan Green Yellow Red Magenta White 3/Color Black